



Pou Piblikasyon Imedya: 26/07/2023

GOUVÈNÈ KATHY HOCHUL

**GOUVÈNÈ HOCHUL ANONSE 200 MILYON DOLA NAN SIBVANSYON KI  
DISPONIB POU POGRAM REVITALIZASYON ANBALAVIL LA AK PWOGGRAM NY  
FORWARD LA**

*Finansman total pou pwogram yo rive nan mak 1 milya dola ak 93 kominate  
atravè Eta New York ki déjà resevwa prim yo*

*Pwogram yo kontinye sipòte objektif devlopman ekonomik reyjonal yo lè yo fè  
New York atiran pou biznis, fanmi ak vizitè yo*

*Ranfòse angajman Gouvènè a pou ogmante apwovizyonman lojman ak ogmante  
abòdabilite nan estimile kreyasyon plis pase 3,000 nouvo inite lojman*

*Premye fowòm sou avni Inisyativ Revitalizasyon Anba Lavil Eta a ak kominate NY  
Forward ki te fèt nan Syracuse*

Gouvènè Kathy Hochul te anonse jodi a ke 200 milyon dola nan finansman disponib atravè de gwo pwogram revitalizasyon ak devlopman ekonomik anba lavil Eta a — 100 milyon dola yo chak pou Faz 7 Inisyativ Revitalizasyon Anba Lavil (Downtown Revitalization Initiative, DRI) la ak Faz 2 pwogram NY Forward la, ki konsantre sou revitalizasyon anba lavil ki pi piti ak anba lavil riral yo. Finansman ane sa a pote kantite total envestisman Eta atravè tout etap pwogram yo a 1 milya dola depi 2016. Ansanm, de pwogram yo te bay 800 milyon dola nan finansman bay 93 kominate atravè chak reyon nan eta a. Aplikasyon yo disponib sou sit wèb [Inisyativ Revitalizasyon Anba Lavil la](#) ak sit wèb [NY Forward](#) yo. Dat limit pou aplike se 29 septanm a 4 p.m.

"De pwogram sa yo te kreye yon vag revitalizasyon k ap gaye toupatou nan eta a san okenn siy ralantisman", **Gouvènè Hochul te deklare**. "Pwogram yo pa sèlman redinamize sant vil yo, men tou y ap fè reyon nou yo ak eta an antye vin yon destinasyon klas mondal pou biznis, fanmi ak touris. Pwogram yo ap akonpli vizyon oriijinal DRI pou kreye yon mas anba lavil vibran ki enòtan nan tout fòm, tout gwosè ak karaktè nan chak reyon pou atire biznis yo envesti ak lokalize nan Eta New York."

Gouvènè Hochul te òganize tou premye fowòm eta a nan Syracuse sou pase, preznan ak avni Inisyativ Revitalizasyon Anba Lavil (DRI) la ak pwogram NY Forward la. Fowòm nan, ki gen tit "Yon retwospektiv pou avni Kominote DRI ak NY Forward Eta a yo" (A

Retrospective for the Future of the State's DRI and NY Forward Communities) te gen ladan majistra nan kominate yo te chwazi nan senk premye faz DRI yo, ansanm ak pati konsène prive ki angaje ak envesti nan DRI yo, ki pral bay konsèy, konesans, lesion yo te aprann ak rekòmandasyon pou enfòme avni de pwogram yo epi edike kandida potansyèl yo sou avantaj ki genyen nan patisipe.

**Sekretè Deta New York Ia, Robert J. Rodriguez, te deklare**, "Yon envestisman nan yon sant vil se yon envestisman nan devlopman ekonomik, kalite lavi, dirabilite ak lojman ki pral miltikiye epi jenere dividann pou ane k ap vini yo. Chak dola nou angaje nan pwogram DRI ak New York Forward ki gen siksè nou yo jenere envestisman adisyonèl plizyè fwa, anplis sipòte gouvènman lokal yo ak biznis zòn ki egziste deja yo nan atire plis moun, fanmi ak biznis ki bay yon varyete ekipman ak travay nan zòn nan. Fòmil pou DRI ak NY Forward ap mache, li reprezante yon patenarya publik/prive ki sèvi kòm yon modèl pou rès nasyon an."

DRI a te lanse an 2016 pou akselere epi ankouraje revitalizasyon anba lavil yo ak katye yo nan tout dis rejon eta a pou sèvi kòm sant aktivite epi katalizè pou plis envestisman lokal. Dirije pa Depatman Deta (Department of State, DOS), kominate DRI yo benefisyé patenarya ak asistans teknik kowòdone ki ofri pa Biwo Renouvelman Kay ak Kominote (Department of Housing and Community Renewal, HCR), Empire State Development (ESD) ak Otorite Rechèch & Devlopman Enèji Eta New York (New York State Energy Research & Development Authority, NYSERDA). DRI reprezante yon estrateji "planifye-pou-aji" ki inovatè e san presedan ki asosye planifikasyon estratejik ansanm ak yon egzekisyon imedya. Anplis de aplikasyon tradisionèl yo, ane sa a gen yon nouvo opsyon pou de oswa twa kominate yo aplike ansanm pou yon prim DRI nan travay ansanm sou yon revitalizasyon pataje nan nivo mikwo-rejyonal.

Jiska dat, DRI a déjà bay yon total 700 milyon dola pou 69 kominate nan sis premye faz li yo epi li sipòte kreyasyon plis pase 3,000 nouvo inite lojman. Yo estime ke chak dola ki envesti nan DRI a jenere 3 dola nan envestisman adisyonèl pandan revitalizasyon an ap akselere epi pwojè yo ap fini. Efè katalizè sa a pral kontinye byen apre kominate DRI ak NY Forward yo fini tout pwojè pa yo.

Nan kad bidjè ane pase a, Gouvènè Hochul te anonse pwogram 100 milyon dola NY Forward pou konstwi sou siksè DRI a epi elaj benefis li bay plis kominate atravè eta a. Nouvo pwogram inovan sa a, ki te resevwa yon lòt 100 milyon dola nan finansman nan Bidjè Eta ki te adopte ane sa a, pral sipòte yon rekiperasyon anba lavil ki pi ekitab pou kominate ki pi piti ak kominate riral New York yo ak yon konsantre sou vilaj ak katye yo. NY Forward vle di sèvi pi piti kominate yo ak sipòte ekonomi lokal yo ki souvan gen yon santiman ak cham ki diferan de pi gwo sant iben metropolitèn ki finanse atravè DRI. Jiska dat, NY Forward déjà bay yon total 100 milyon dola pou 24 kominate nan premye faz li yo.

Menm jan ak DRI, DOS ak yon konsiltan ke yo deziyen pral travay avèk kominate NY Forward atravè yon pwosesis planifikasyon ak asistans teknik pou devlope yon seri pwojè ki fasil pou enplemante. NY Forward diferan, sepandan, li bay asistans teknik

adisyonèl endivizyèl pou sipòte kominote yo nan devlope aplikasyon konplè pa yo ak pandan tout pwosesis aplikasyon an. NY Forward ofri tou de opsyon finansman pou chak rejyon—de prim 4.5 milyon dola; oswa yon prim 4.5 milyon ak de prim 2.25 milyon dola.

Yo dekri davantaj resanblans ak diferans ki genyen ant pwogram DRI ak NY Forward nan yon bwochi edikatif, ki disponib sou sitwèb [DRI](#) ak [NY Forward](#) yo.

**Prezidan ak Direktè Egzekitif Jeneral ak Komisè Empire State Development Ian, Hope Knight, te deklare**, "Inisyativ Revitalizasyon Anba Lavil la ak pwogram NY Forward la ap bay yon nouvo vi nan zòn anba lavil nou yo lè yo adopte estrateji ki akse sou rejyon an ke rezidan yo, biznis yo ak moun ki gen enterè yo fasone. Pwogram sa yo kontinye kreye pwojè ki gen siksè nan kominote yo atravè eta a, epi yo se katalizè ki nesesè pou jenere nouvo envestisman ak ankouraje kwasans ekonomik."

**RuthAnne Visnauskas, ki se Komisè Biwo Renouvelman Kay ak Kominote nan Eta New York, te deklare**, "Inisyativ Revitalizasyon Anba Lavil la ak pwogram NY Forward te dirije prèske yon milya dola nan revitalizasyon 93 kominote atravè eta a, epi anons jodi a asire ke menm plis kominote pral byento jwenn benefis konplè pwogram inovan sa yo kreye. Mèsi Gouvènè Hochul pou angajman kontinyèl ou pou revitalizasyon ekonomik atravè envestisman entelijan, vize ak estratejik nan chak rejyon New York."

**Prezidan ak Direktè Jeneral NYSERDA Doreen M. Harris te deklare**, "Inisyativ Revitalizasyon Anba Lavil Gouvènè Hochul la ak pwogram NY Forward la se yon pati empòtan nan yon estrateji developman ekonomik konplè nan tout eta a ki kontinye pote envestisman publik ak prive nan kominote New York yo. NYSERDA kontan pou l bay sipò asistans teknik pou pwojè yo reyalize pèfòmans enèji amelyore, rezistans, ak bilding ki pi an sante nan kad plan jeneral pou revitalise katye anba lavil yo epi fè kominote yo pi atiran kote pou moun viv, travay ak vizite."

**Majistra Oswego, Billy Barlow, te deklare**, "Oswego fyè anpil dèské l se premye nan Eta New York ki konplete Initasyon Revitalizasyon Anba Lavil nou an ak tout douz pwojè ki te konstwi epi k ap fonksyone avèk siksè yo. DRI te vrèman transfòme kominote nou an, li bay plizyè milyon dola nan envestisman prive nan nouvo bilding, atraksyon, ak amelyorasyon nan sant vil nou an epi li pozisyon Oswego pou siksè alontèm ak kwasans kontinyèl pou ane k ap vini yo. Mwen ankouraje anpil lòt minisipalite yo nan tout eta a pou aplike pou pwogram sa yo alavní pou ede ak reimagine ak revitalize kominote yo ki gen anpil potansyèl pou debloke. Mwen apresye sipò Gouvènè Hochul, Depatman Deta a, ak tout patnè kominotè yo ki te reyini ansanm pou fè DRI a reyisi pou Oswego."

**Robert Simpson, Prezidan ak Direktè Egzekitif Jeneral CenterState te deklare**, "Envestisman eta a nan kominote nou yo atravè Inisyativ Revitalizasyon Anba Lavil la ak pwogram NY Forward yo se sa ki te ede rejyon nou an kreye yon sans plas ki solid, ki pi vibran. Pandan n ap prepare pou enpak ak kwasans k ap apwoche rapidman,

envèstisman renouvre sa yo ap pèmèt nou kontinye avanse pwojè ki sipòte bon jan kalite lavi nou epi ki atire talan. Nou rekonesan anvè Gouvènè Hochul pou lidèchip li ak patnè lokal yo k ap dirije pwojè ki maksimize envestisman sa yo pou tout moun."

**Ofisyè Responsab SUNY Oswego a, Doktè Mary C. Toale, te deklare**, "Envestisman Eta New York nan kominate li yo, gwo kou piti, atravè pwogram DRI ak NY Forward inovan yo alafwa vizyonè ak efikas. Oswego, yon benefisyè prim premye faz la, se premye vil ki konplete tout pwojè DRI li yo. Reyalizasyon sa a se yon refleksyon lidèchip vil la, angajman fèm nan travay ansanm ak tout moun ki gen enterè yo nan kominate a, tankou SUNY Oswego, ak planifikasyon estratejik li yo ak jeson pwojè, Mèsi, Gouvènè Hochul, pou lidèchip ou!"

**Ryan Silva, Direktè Egzekitif Konsèy Developman Ekonomik Eta New York la te deklare**, "Depi kreyasyon li, Inisyativ Revitalizasyon Anba Lavil (DRI) la te pwofite plizyè milya dola nan envestisman sektè prive, re-imagine katye yo, transfòme kominate yo, ak amelyore kalite lavi atravè Eta New York. DRI ak pwogram NY Forward la te fasilité patenarya piblik prive epi ekipe vil, komin ak vilaj lokal yo pou yo devlope plan epi idantifye pwojè ki pral fasone avni kominate pa yo. NYSEDC ak manm nou yo bat bravo pou lidèchip Gouvènè Hochul ak sipò kontinyèl li pou envesti ak sipòte developman ekonomik atravè pwogram sa yo."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418